

30 NOV 1998

(Bergambar)

TUN SYED AHMAD SHAHABUDIN YANG DIPERTUA NEGERI MELAKA

KUALA LUMPUR, 30 Nov (Bernama) -- Yang di-Pertuan Agong Tuanku Ja'afar hari ini berkenan mengurniakan suratcara pelantikan semula Tun Syed Ahmad Shahabudin sebagai Yang Dipertua Negeri Melaka, di Istana Negara, di sini hari ini.

Syed Ahmad, 73, yang akan tamat tempoh sebagai Yang Dipertua Negeri Melaka pada Jumaat ini dilantik semula bagi Penggal Keempat.

Pelantikan kali ini adalah untuk tempoh separuh penggal (dua tahun) dan akan berakhir 4 Dis 2000.

Beliau pertama kali dilantik sebagai Yang Dipertua Negeri Melaka pada 4 Dis 1984.

Yang turut hadir pada majlis itu ialah Perdana Menteri Datuk Seri Dr Mahathir Mohamad, Ketua Menteri Melaka Datuk Seri Abu Zahar Isnin, Ketua Setiausaha Negara Tan Sri Abdul Halim Ali, Yang Dipertua Dewan Rakyat Tun Mohamed Zahir Ismail dan Yang Dipertua Dewan Negara Tan Sri Mohamed Yaa'cob.

-- BERNAMA

RZS RI